

香港文匯報訊（記者 梁靜儀）王祖藍、李思捷與阮兆祥主持的《福祿壽訓練學院》前晚假電視城舉行終極對決，最終由陶大衛以「一人福祿壽」的精彩演出成為大贏家，分別與演出「穿Heels的男人」的吳兆麟齊奪得「專業評審大獎」，還同時獲全晚最高分贏得「終極扮嘢王」殊榮，成為雙料冠軍，他更贏得價值6位數字的電動車；而蝸埋口面扮譚輝智跳唱《屈到病》的關嘉敏，就算帶埋「拉姑」上台都與獎無緣。

◆關嘉敏扮譚輝智與「拉姑」台上熱舞。



◆陶大衛跳鋼管舞顯功架。



◆陶大衛贏得價值6位數的電動車。

關嘉敏神還原譚輝智 獲「拉姑」伴舞

陶大衛贏「終極扮嘢王」成雙料冠軍



◆十強選手施展渾身解數爭奪「一級榮譽生」殊榮。

當晚王祖藍的媽媽、太太李亞男和兩個女兒都有到場欣賞，打頭陣出場的表演嘉賓汪明荃（阿姐），身穿黑色高衩旗袍，獻唱國語歌《舞女》，又唱又跳十分有睇頭。阿姐唱完後，王祖藍、阮兆祥和李思捷向她頒發「榮譽博士」，祖藍說：「阿姐係『福祿壽』嘅伯樂，冇佢我哋冇今日。」阿姐說：「與『福祿壽』正式合作已是14年前，唔敢講伯樂，但自己作為前輩真心想畀後輩多啲機會，一個人的真心一定要被看見。」向來專業的阿姐笑言今次造型是精心設計，在練習上都有下苦功，是一個大挑戰，不過她就不會再扮嘢。

之後輪到最後十強包括陳柏熾、陶大衛、彭建豪、趙頌宜、黃建東、關嘉敏、葉泓聲、林樂熙、周百恩與吳兆麟施展渾身解數爭奪「一級榮譽生」殊榮，當中陶大衛演出「一人福祿壽訓練學院」，扮學員唱《第四晚心情》、《今晚夜》及跳鋼管舞，先獲得專業評分47.3分，得到「專業評審大獎」的他眼濕濕地說：「跳鋼管舞，講真係好辛苦。」

吳兆麟唱到趴地妖味足

同樣得到專業評分47.3分的「專業評審大獎」得獎者吳兆麟，當晚以超緊身短褲、高跟鞋登場，唱到趴地的他又輕咬領呔，妖味十足令全場high爆，其落力演出獲經常扮女人的王祖藍笑說：「後繼有人。」江美儀就大讚吳兆麟剛柔並重，並給予高分。

上次扮王菲幾可亂真的關嘉敏，今次扮「痰輝智」演出「屈到輝智病了」，蝸埋口面扮輝智配以機械人式舞步，

香港文匯報訊（記者 阿祖）由王家衛導演及監製的劇集《繁花》現正熱播，並掀起一股追劇熱潮。最近該劇集更正式推出原聲音樂大碟，輯錄多首耳熟能詳的經典流行曲。昨日曾比特（Mike）及周子涵（Kerryta）出席劇集《繁花》原聲音樂大碟歌曲現場表演。Kerryta重新演繹《夜風中》及《執迷不悔》，而Mike則壓軸獻唱《再回首》及《一生何求》。

周子涵昨日首度現場演繹徐小鳳的《夜風中》，她自言錄歌時已很大壓力，而最初有模仿小鳳姐的聲線去唱去拿感覺，最後自己都盡力花上一天時間把歌錄好，也滿意自己的表現，不過等王導回覆的過程相當煎熬，結果獲得大導演認可可是最大的榮幸。

至於曾比特本來只錄陳百強的《一生何求》，到他錄完之後在錄音室聽到有蘇芮的《再回首》，他便毛遂自薦唱男版，結果待了15分鐘，王家衛導演覺得都有新火花，便落實兩首歌都由他去唱。曾比特對演戲都感興趣，所以他又向王家衛自薦演戲，獲得回覆：「有機會嘅！」周子涵亦有說想拍戲，被王導說她似日本女子，她也第一次聽到這樣的讚賞，希望能給對方留下深刻印象。

對於傳出被TVB「雪藏」的炎明熹（Gigi），曾比特表示有聯絡過對方，而近日有不少關於Gigi的報道，他才想以較年長的哥哥身份給予她一點安慰：「其實也不算是安慰，只留個言給她。」是否覆你過檔到你公司？他指這要問她本人的意願：「我只是看她有什麼可以幫到手，她年紀比較細，怕她會不开心或混亂，年齡上我是比較大的哥哥，希望可以為她解開困擾，她都有回覆我講多謝。」不過曾比特指外界比他更清楚內情，自己也不好意思去八卦。

周子涵獲王家衛認可感榮幸 曾比特留言安慰炎明熹



◆曾比特與周子涵同粉絲合影留念。

並有忠粉「拉姑」上台伴舞，惜輸個馬鼻未能得獎。

黃建東扮金髮阿Ken被批太貪心

至於參加比賽經驗無數的黃建東，戴上金色假髮打重鼻影扮阿Ken，表演彈琴及跳舞，被評審批太貪心，不知想表演什麼。彭建豪扮杜偉傑唱《脫掉》，福字貼臀部是想一團和氣，評審曾志偉認為係底褲可以細條啲。錢嘉樂笑指呢個年代的杜偉傑應該問吳君如，不應問他，因為君如鍾意睇騷。21歲的趙頌宜上次扮蔡琴，當晚就扮93歲夏蕙BB上頭柱香。

陳懿德打側手翻失準負傷

而兩位「扮工室助理」的郭珮文及陳懿德（德德）以低胸性感晚裝上陣，笑言終於可扮返個人。她們又穿上粉紅Bra top扮Twins打側手翻，不過德德臨演出在台上熱身時不慎跌坐在地上，更整傷左腳，以致打側手翻時失準，演出後強忍痛楚一拐一拐返回後台。再上台時都按着左腳，幸未有影響主持節目。節目結束後曾志偉亦有上前慰問她，德德一度抹眼似是想哭。

志偉讚《福祿壽》為TVB添丁

對於最後一次擔任「扮工室助理」，她們都大感不捨，德德更稱見到台前幕後想喊的感覺很強烈。提到在眾多造型中哪個最深刻？德德就稱是「一碌竹」的造型。德德更大讚郭珮文側手翻非常了得，原來郭珮文在孩童時期就已經有接觸：「因為我鍾意接觸新挑戰，所以我之前才會參選港姐。」郭珮文表示和德德合作好舒服。暫未知之後能否有機會繼續和德德合作，問到做完這個節目後，會否想向諧星發展？郭珮文說：「我唔抗拒任何嘅工作，因為我暫時未知自己適合啲咩，我想拍戲，覺得拍戲好好玩。」

評審之一的曾志偉指節目為TVB添丁，發掘了很多人才，要在台慶為他們安排表演環節，又笑指下個《思家大戰》可找扮李思捷的葉泓聲做，因平好多；以及配音組請林樂熙一個人就搞掂晒，慳返budget。

陶大衛認與TVB洽談合約中

陶大衛賽後表示沒想過得獎，因只抱着做好演出的心態，向這個舞台致敬，又讚每個參賽者的演出都很出色。對於自己的表現，他認為可以做得更好，因表演鋼管舞時，踢到跪在下面的人差點跌倒，他夾硬硬上去才成功。本身是網絡素人的陶大衛，被問到可會簽約TVB？他表示正在洽談中，他由細到大都很喜歡TVB，有機會當然想簽約，希望未來能做更多喜劇作品。至於獎品電動車可會自用？他笑說：「我有車牌，但右軚車要再考慮，（平讓

出去？）唔使！」

譚輝智：使唔使似到咁

屈居亞軍的關嘉敏，受訪時表示沒有覺得唔抵，反而覺得執到：「唔係因為呢個節目，我都未試過扮嘢，所以我嘅經驗只得4個月，我唔會不开心，擇亞軍已經執到。冠軍之前有好多作品，係實至名歸。」扮嘢被激讚神似的她，表示都會想向這方面發展。她又感謝導師之一的李思捷眼光很好，上次扮王菲和今次扮譚輝智都是他的意見。問她私下可認識譚輝智？她說：「我唔認識佢，相信將會認識，我睇晒佢所有的訪問片，學佢啲表情。」而譚輝智本尊事後在IG限時動態亦有轉發關嘉敏演出的片段，並以7個字回應說：「使唔使似到咁LOL！」

好兄弟顏米羔和劉威煌亦在「輕鬆啲」的社交頻道開直播，顏米羔更險些唔睇：「正到不得了，食吓飯都爭啲睇，真係笑到爆，原來係關嘉敏扮，我都唔知。我可以話你知，連當事人望到都嘩一聲。」劉威煌亦大讚神似：「其實要佩服，冇諗過係女仔扮，我幾鍾意佢啲神髓。」



◆德德打側手翻時失準。



◆阮兆祥、李思捷和王祖藍向阿姐頒發「榮譽博士」。



◆志偉上前慰問受傷的德德。



◆Twins以型格造型登場。

睽違7年內地巡唱開鑼 Twins與粉絲再憶青春

香港文匯報訊（記者 子棠）Twins睽違七年再次在內地開演演唱會，日前為杭州舉行的《Twins Spirit 22 巡迴演唱會》拉開序幕，並特別為這次內地巡迴演唱會訂製全新的咪於杭州首站亮相，舞台造型也大大升級作加持。蔡卓妍（阿Sa）和鍾欣潼（阿嬌）以型格十足、充滿未來感的窩釘造型登場；隨後的黃白泡泡裙、藍色水鑽長裙溫柔清新。


當晚，Twins以《高手看招》開場，隨後便唱出《明愛暗戀補習社》《千金》《我們的紀念冊》《瓶中沙》《星光遊樂園》《星月夜太陽》《戀愛大過天》及《我很想愛他》等歌曲，將聽眾情緒帶回青春時光，回憶滿滿；而華麗的舞台設計和燈光效果也為這場盛大的演唱會增色不少。當唱到《留這牆》時，歌曲展現了二人出道23年來跟粉絲經歷的點點滴滴，同時更表達了對粉絲多年陪伴的感恩和感謝，加上彩帶落下，場景令人難忘。

7月6日，Twins將在山城重慶開啟第二站。

千嬅李幸倪獻唱新城台歌 薛家燕讚眾志成城唔簡單

香港文匯報訊（記者 阿祖）今年為新城廣播有限公司成立33周年，推出全新台歌《沿途有我》，歌曲道出人生起伏，只要堅守信念，最後定能撐過，MV並於昨日首播。

《沿途有我》10分榮幸得到一眾歌手好友全力支持獻唱，包括楊千嬅、周吉佩、李幸倪、泳兒、梁釗峰、吳業坤、黃淑蔓及林愷鈴等；新城廣播更出动台前幕後總動員數十人合唱及拍攝MV，其中「鎮台之寶」薛家燕、「元祖級」兒童節目主持譚玉瑛以及歐陽德勛也驚喜獻聲。家



◆一眾歌手好友全力傾情獻唱。

燕姐開心表示以往只唱過節目主題曲，但為新城唱台歌卻是第一次：「難得請到周禮茂為我填詞，首歌嘅旋律好好聽，歌詞好正能量，我好欣賞，做一首台歌一定要令人覺得有正能量同挑戰性，幾十人一齊唱，呢個設計好唔簡單，證明佢哋好用心做，希望我唱出嚟唔會失禮，亦都知道嘅Steven（馬浚偉）嘅領導下，大家都將所有節目做好，好感動。」

譚玉瑛表示：「我過往幾十年只係唱兒歌，無咁多呢啲抑揚頓挫，今次好彩有麥皓兒指導我。」歐陽德勛自爆馬浚偉邀請他錄台歌時十分客氣，「佢問我有無時間光臨參與錄音，為啱家個士氣打氣，又強調係一首好有意義嘅台歌，我話你咁客氣，你唔預我會翻臉。」